

Inatsisissatut siunnersuummut nassuiaatit

Nalinginnaasumik nassuiaatit

1. Aallaqqaasiut:

Inatsisartunut Naalackersuisunullu ilaasortat aningaasarsiaqartitaanerat il.il. pillugit Inatsisartut inatsisaat UKA 2003-mi akuersissutigineqarpoq 1. januar 2004-milu atuutilersinneqarluni.

Misilittagarineqalersut allannguutitut inatsimmut matumani pineqartumut tunngaviupput. § 17-imi soraarnerussutisiaqarnermut aalajangersagaq allannguutip eqaannerusumik atornerarsinnaanngortissavaa, maannakkummi iluserisamisut Inatsisartunut Naalackersuisunullu ilaasortanut, ilaqutaqanngitsunut, ukiumikkulluunniit soraarnerussutisiaqangajalersunut siunertaanngitsutut killiliinernik imaqtutut paasinarsisimammat. Siunissami soraarnerussutiassatut akiliummik akliuteqarneq atorlugu Inatsisartunut sinniisussat iluaqutissarsisinneqarnissaat siunnersuutigineqarpoq.

Tamatuma saniatigut Inatsisartunut ilaasortanut Nuummi aalajangersimasumik najugaqalernissamik kissaateqartunut inissianik immikkut immikkoorsitsilluni pilersitsisoqassasoq siunnersuutigineqarpoq, maannamummi Namminersornerullutik Oqartussat sulisunut pisortat inissiaattaannik pissarsisinnaasimanerigaluaq atornerarsinnaajunnaarsimammat. Tassungattaaq atatillugu Inatsisartunut sinniisussat maleruagassat maannakkut atuuttut malillugit piffissaliineq sivikitsoq atorlugu inigisaminnik qimatsinissamut pisussaataasimasinnaasut inatsisitigut inissisimanerat patajaallisarneqassaaq. Taamatuttaaq inatsimmi § 1-mi kukkuneruvissimasoq iluarsineqassaaq.

2. Siunnersuummi immikkoortut pingaernerit:

Siunnersuutip anguniagaa pingarneq tassa § 17-imi soraarnerussutisianut aalajangersakkap eqaannerusumik atornerarsinnaanissaa. Inatsisartunut ilaasortanut aamma Naalackersuisunut ilaasortanut soraarnerussutisiaqarnermut aqqqissuussineq utoqqalineri soraarnerussutisiatut taaneqarsinnaasut saniatigut aapparisaq meeqqallu soraarnerussutisiaqarnissaannik imm. 2-mi maleruagassaq maanna atuuttoq piumasaqaammik imaqarpoq. Piumasaqaat taanna ilaasortanut katissimanngitsunut, qitornaqanngitsunullu, aamma siunissami taamatut isumannaariffigineqarnissamut periarfissaqalernissamik pisariaqartitsilernissamut naatsorsuutiginninngitsunut naleqqutinngilaq. Inuit taakku soraarnerussutisiatut

akiliutimik tamakkerlugit utoqqalinerminnut qulakkeerinnissutitut atornerussutisiaqarnissaannik aalajangiinissamut mattunneqarsimapput. Apparisaq aammalu meeqqat soraarnerussutisiaqarnissaannik piumasaqaatip atorunnaarsinneratigut ilaasortat siunissami soraarnerussutisiaqarnermut aaqqissuussinermik nammineq ataasiakkaarlutik pisariaqartitaminnut naleqquttumik toqqaasinnaanerulissapput. Taamaalilluni ilaasortat ilaqutallit apparisamik qitornamillu iluaqusiiviginissaannut periarfissaqartuaannassapput.

Tamatuma saniatigut paasinarsisimavoq soraarnerussutisianut maleruagassaq Inatsisartunut ilaasortanut aammalu Naalakkersuisunut ilaasortanut soraarninngorsimasunut soraarninngu-ngajalersunulluunniit ilusiligaanermigut naleqqutinngitsoq. Tamatumunnga pissutaavoq soraarninngornissamut sillimasernissamut periarfissat inunnt taakkununga killeqarnerat. Inuilli pineqartut suleqatiminnit inuusunnerusunit pitsaannginnerusumik pineqassanngimmata nammineerluni toqqakkamik soraarnerussutisiat ilaannik landskassimit aningaasaliivigineqartut ilaat, ilaasortaq 50-inik ukioqalersimappat, isertitatut nalinginnaasumik akileraarusigassatut nalinginnaasumik tunniunneqarsinnaassasoq siunnersuutigineqarpoq.

Sinniisussat ilaasortamut taarsiuttut soraarnerussutisiaqartinneqarnerinut tungassutillit ani-ngaasarsiaqartitaanermut inatsisikkut maannamut isummerfigineqarsimannngillat, taakkulu utoqqalinermit qularnaarunneqarnissaat siunertaralugu soraarnerussutisiaqartinneqaratillu allatut tunineqartarsimannngillat. Sinniisussat piffissaq atuuffiat ullunut, sapaatit akunnerinut ikitsuarannguanut assersuutigaluguluunniit Inatsisartut ataatsimiinnerannut ataasiinnarmut killeqarajummata taamatut aaqqiinissaq toqqaarneqarsimavoq. Taamatut sivisunngitsumik ilaasortaatsisarnikkut soraarnerussutisianik tunniussisinnaaneq inuup utoqqalinissamut qularnaarinissaanut annikitsuinnarmik sunniuteqassaaq.

Taamatulli aaqqiinissamik toqqaaneq ilaasortanut piffissamut sivisunerusumut sinniisussatut ivertinneqartunut tulluanngitsoq oqaatigisariaqarpoq. Tamanna ilaasortamut Naalakkersuisunut ilaasortatut atuuffimmik isumaginnittumut taartaalluni qinigaaffik tamakkerlugu sinniisussamut ivertinneqartumut ingammik atuuppoq. Piffissani ilaasortatut atuuffinni sivikitsuni allaat maleruagassat maanna atuuttut assigiinngisitsinermik nassataqartarput, Inatsisartunimi sinniisussat Inatsisartunut ivertitaanerminni Inatsisartunut ilaasortat sinnerisulli aningaasarsiaqartitaallutik taakku tunniussinnaasaasa assinganik tunniussissasut naatsorsuutigineqartarmat.

Taamaammat Inatsisartunut ilaasortat sinniisussatut ivertitat sinniisussaannngitsut piffissap sinniisussatut atuuffiat qanoq siviisutiginersoq apeqquataatinnagu soraarnerussutisiassanik akiliutaannik siunissami pisinnaatitaassasut siunnersuutikkut siunniunneqarpoq. Akiliut isertitatut nalinginnaasumik akileraarusigassatut tunniunneqartassasoq siunnersuutigineqarpoq, Inatsisartunummi sinniisussatut ivertinneq pissutigalugu soraarnerussutisiaqarnermik aaqqissuussineq pilersissallugu amerlasuutigut ajornassammat.

Inatsimmut allannguutip siunertaa alla tassa Inatsisartunut ilaasortanut Nuummi aalajangersimasumik najugaqalerumasunut ineqarnermut maleruagassat allangortinneqarnissaat. Ilaasortat taakku maannamut Namminersornerullutik Oqartussani sulisunut pisortanut inissanik pissarsisinnaasarsimapput, tamannali Inatsisartunut ilaasortat inissamik pisariaqartitsinerannik aaqqiissutaasarsimanani. Sulisunut pisortatut inissat amerlassusertik tunngavigalugu sulisunut pisortatut atorfinni qaffasinnerni sulisorisat ingerlaavartumik taarseraanneranni atuiffigineqartartutut aaqqitaapput. Inissatulli naatsorsuutat ass. Inatsisartunut nutaamik qinersinermut atatillugu inissanik pisariaqartitsinerulersunut malinnaasimangillat. Sulisunullu pisortatut inissat akunnattumik qaffasissusilimmik atorfiit aalajangersimasut (kontorchefit taamatulluunniit qaffasissusillit) ilaatinneqarunnaarlutik ikilineqarmata taamatut ajornartorsiuteqarneq malunnartumik atuutilersimavoq.

Tassunga atatillugu oqaatigineqassaaq siusinnerusukkut Inatsisartunut ilaasortaasimasut inissamik atugassinneqarsimasut tunuarnermik kingorna aningaasarsiaqarnerminni aalajangersakkat atuuttut malillugit inissaqartinneqarnissamut pisinnaatitaasarsiimammata. Inatsisartunut ilaasortaasimasut aammalu nutaat piffissami ikaarsaarfimmi sulisunut pisortatut inissanik atuisarnerat pisariaqartitsinermik tamatuminnga pilersitsisarpoq. Inatsisartunullu qinersinerup kingorna inissanik pisariaqartitat annertussusiannik aaqqiisinnaasutut pisortatut inissanik naatsorsuusani inissat ima amerlitigineqarnissaat pissusissamisoornaviangilaq, amerlisitsinerummi kingunerissammagu piffissat sinnerini inissat inoqanngitsorpassuannagnissaat.

Inatsisartunut ilaasortat ineqartitaanerannut naatsorsuutatut inissanik immikkoorsillugit pilersitsinikkut ajornartorsiut aaqqinneqassasoq siunnersuutigineqarpoq. Immikkoorsitani inissat amerlassusiat pisariaqartitsisoqaleraangat nalimmassarneqarsinnaavoq, taamaaliornikkut immikkoorsitatut inissat atorneqannginnissaat sapinngisamik annertunerpaamik pinaveersaarneqarsinnaammat.

Tunuarnerup kingorna piffissami ilaasortaajunnaarnerisiaqarfiup naanerani tamanna kingusinnerpaamik qaammatip naanerani pisassasoq, taamaattorli ilaasortat sinnerisulli sivikinnerpaamik qaammatini pingasuni najugaqaannarsinnaasutut Inatsisartunut sinniisussat pineqassasut, inigisap qimanneqarnissaanut atatillugu erseqqissarneqassaaq. Inatsisartunit tunuarnermit ilaasortaajunnaarnerisiaqarfiup sivikitsunnguusimasimasinnaanera qangiunniariaqarpat Inatsisartunut sinniisussat maleruagassat naapertorlugit maannamut inigisamit ingerlaannartumik qimagutereersimasussaasimapput, tamannalu pineqartunut ilaqutaannullu pissutsinik pissusissamisuunngitsunik kinguneqartarsinnaasimalluni.

Taamatullu § 1, imm. 1 aamma 3-mi kukkuneruissimasumik allannguutissatut siunnersuut iluarsiivoq, oqaasertalerneqarninimi naapertorlugit Atorfillit Kattuffiata (AK) ataani isumaqatigiinniunneqartartunut atorfinni akissaatit inissisimaffianni 35-imut atasuunissaannik tunngavissiiimmat, isumaqatigiissutilli Akademikernes Sammenslutning i Grønlandimut (AS-G) attuumassuteqavissuullutik.

3. Pisortaqarfinnut aningaasaqarnikkut allaffissornikullu kingunerisassat:

Ineqarnermik aaqqissuussinermi allannguutit aningaasartuutaasussaangillat, Inatsisartunummi ilaasortanut inissatut atugassiissutigineqartut init amerlassusiinut sunnisuunngimmata. Sinniisussat piffissamut sivilunerusumut Inatsisartunut ivertinneqartunut Nuummi najugaqalerumasunut nalinginnaasumik akiliilluni sivikinnerpaamik qaammatini pingasuni najugaqarnissaq siunissami periarfissaattut qulakkeerneqassaaq, tamannalu pissutigalugu Inatsisartunut ilaasortat sinnerinut tunngatillugu naligiimmik pinninnerussalluni. Pisuni ataasiakkaannguani tamanna inissatut immikkoorsitanut tunngaviusumik isigalugu annikitsuinnarmik artukkiisuusussaassaaq.

Taamatuttaaq Inatsisartunut Naalackersuisunullu aalajangersimasumik ilaasortat eqqarsaatigalugit soraarnerussutisianut piunasaqaatinut allannguutissatut siunnersuutigineqartut aningaasartuutaasussaangillat. Siunnersuut naapertorlugu soraarnerussutisiassanut akiliutit 10%-iisut annertussusilinnik isertitatut nalinginnaasumik akileraarusigassatut siunissami Inatsisartunut sinniisussat tunineqartassapput. Tamanna landskarsimut aningaasartuuteqarnerussutaassaaq, taakkuli ukiumut kr. 200.000,-it qaangersimasassanngikkaat naatsorsuutigineqarluni.

Soraarnerussutisianut akiliut 10 %-iusoq assigisaanillu nammineerluni akiliut 5 %-iusoq eqqarsaatigalugit tamanna ilaasortanut tunniussinermi ilaasortanut akileraasusiinermik kinguneqassaaq nunattalu karsianut kommunitullu taamaalilluni isertitsissutaassalluni. Paarlattuanik akiliutit soraarnerussutisiaqarnermi aaqqissuussinermut ikineqarnerini aningaasat akileraasuserneqassanngillat.

4. Inuussutissarsiuteqartunut aningaasaqarnikkut allaffissornikkullu kingunerisassat:

Siunnersuut inuussutissarsiuteqartunut kinguneqassanngilaq.

5. Avatangiisinut pinngortitamullu tunngasumik kingunerisassat:

Siunnersuut avatangiisinut pinngortitamullu tunngasunut kinguneqassanngilaq.

6. Innuttaasunut allaffissornikkut kingunerisassat:

Siunnersuut innuttaasunut kinguneqassanngilaq.

7. Kingunerisassat allat pingaaruteqartut:

Siunnersuut pingaaruteqartunik allanik kinguneqassanngilaq.

8. Naalagaaffeqatigiinnermut namminersulernissamullu tunngasut:

Siunnersuut Naalagaaffeqatigiinnermut namminersulernissamullu kinguneqassanngilaq.

9. Oqartussaasut kattuffeqarfiillu tusarniaavigineqarnerat:

Siunnersuut innuttanut inuussutissarsiutilinnulluunniit kinguneqaateqartussaannngimmat tamanut tusarniaassutitut nassiunneqarsimmanngilaq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut.

Aningaasarsiat qaffasissusiligaaneranni 35-mi atorfiit AS-G-p isumaqatiginninniarsinnaatitaaffiit ilaasut ass. aningaasarsiat qaffasissusiligaaneranni 38, tak. § 6, imm. 1-isulli ipput. Inatsimmi atuuttumi § 1, imm. 1-imi, aamma 3-mi, AK-p isumaqatiginninniarsinnaatitaaffianut innersuussinerit taamaalillutik kukkunerupput.

Iluarsineqarnera teknikkkut aaqqiinerinnaavoq, taamaammallu kinguneqaateqartussaananani.

Nr. 2-mut.

Aalajangersakkap manna tikillugu maleruagassaasimasooq atorunnaarsissavaa, taannami malillugu inuit pineqartut Namminersornerullutik Oqartussat sulisut pisortaanut inissatut naatsorsuussanit, Namminersornerullutik Oqartussat inissianik attartortittagaannut maleruagassat qaqugukkulluunniit atuuttut malillugit ineqarnermut akiliummik akilerneqartussamik, atugassinneqartarsimammata. Sulisunullu pisortat inissaasa, minnerunngitsumik nutaamik qinersisoqarneranut atatillugu, Inatsisartunut ilaasortat inissamik pisariaqartitsinerat aaqqiivigisinnaasarsimannngilaat.

Siunnersuutikkut anguniarneqarpoq Inatsisartunut ilaasortat ineqartinneqarnerannut atugassatut ininik immikkut naatsorsuussanik pilersitsisoqassasoq. Init inissiisarfiit taamaattut Namminersornerullutik Oqartussat nalinginnaasunik inissiaataannut ilaannngilat, taamaammallu aallaavittut isigalugu init attartortittakkat pillugit Inatsisartut peqqussutaat atorneqarneq ajorluni, tak. attartortittakkat pillugit peqqussummi § 1, imm. 3-mi tunngavissaatitaasoq. Ailiummik

akiliisitsiniarnissamut Inatsisartut piginnaatitaassapput, taannalu Namminersornerullutik Oqartussat ininik attartortittagaattulli ineqarnermut akiliutit qaffaseqataaattut aalajangersarneqassasoq naatsorsuutigineqarluni, taamaattorli naatsorsuinermi tunngavissat pisariillisakkat atorlugit aalajangersaavigineqarsimassalluni.

Nr. 3-mut.

Imm. 1-imi allangortitsinerup kingunerisaatut § 1, imm. 4, oqaaseqatigiit pingajuanni Atorfillit Kattuffiannut (AK) innersuussineq imaraa, taamaalilluni nuunnermi qimatsinermilu akissaatit qaffasissusiligaaneranni pineqartumut atatillugu aallaavittut isigalugu kattuffimmut isumaqatigiinniutigineqarsimasut malinneqarlutik. Naqqiineq teknikimut taamaallaat tunngassuteqarpoq peruserineqartunillu allannguisuunani.

Nr. 4-mut.

Piffissami ilaasortaajunnaarnersiaqarfimmi inigisamut tunngatillugu aalajangersagaq akiliuteqarluni ineqartitaaneq pillugu maleruagassamut imm. 2 –mut naapertuuttumik allangortinneqassaaq. Aalajangersakkami maannamutut piumasagaataannigilaq tunuarnerup kingorna ilaasortaajunnaarnersiaqarneq unippat Inatsisartunut ilaasorta q inigisamini tassani najugaqaannarsinnaasoq.

Tamatuma peqatigisaanik erseqqissarneqarpoq ilaasortaajunnaarnersiaqarfiup naanerani qaammatip naanerani ini aatsaat qimanneqassasoq. Tamanna ilaasortaajunnaarsersiaqarfiup qaammatip qiteqqunnerani atorunnaarfigisinnaasaanut sinniisussanut pingaaruteqarpoq, inigisamilli qimatsineq pissuteqartumik qaammatip naanerani pisariaqarluni, tamatumalu tungaanut ineqarnermut akiliummik akiliisitsiniarsinnaasqartariaqarluni.

Taamatuttaaq § 1, imm. 6, oqaaseqatigiit pingajuat Inatsisartunut sinniisussat piffissami ilaasortaajunnaarnersiaqarfimmi sivikinnerpaamik qaammatini pingasuni najugaqaannarsinnaanerannut inatsisitigut tunngavissiisuvoq. Taamatut piginnaatitaaneq Inatsisartunut ilaasortanut nalinginnaasunut aningaasarsiaqartitaaneq pillugu inatsisip § 10, imm. 5-ianeereerpoq, taannalu malillugu ilaasortaajunnaarnersiat sivikinnerpaamik qaammatini pingasununi tamatigut tunniunneqartarlutik. Ilaasortanut sinniisussatut ivertittunut piffissaq ilaasortaajunnaarnersiaqarfik sivikinnerusinnaavoq, sinniisussaannigitsunullu minnerpaamik pissarsiarineqarsinnaasutut qaammatinit pingasunit sivikinnerusumik inimik nutaamik pissarsiniartariaqarnissaat. tamatuma kingunerisariaqarnagu.

Aalajangersakkatut siunnersuutigineqartup sinniisussat, piffissami sivilisunerusumi ilaasortaasimasut, Naalakkersuisoqarnerup allangortinneqarneranut atatillugu Inatsisartunit tupaallannartumik tunuartariaqartut iluaqusiiviginerusussaavai. Sinniisussat piffissani sivikinnerusuni Inatsisartunut ivertinneqartut tamatumunnga atasumik inigisaminnik paarlaasussaannigillat.

Nr. 5-imut

Allannguutikkut maannamut § 17, imm. 2, oqaaseqatigiit aappaanni, immikkut piumasaaqatit atorunnaassapput, taakkumi malillugit utoqqalinermi soraarnerussutisiaqarnerup saniatigut soraarnerussutisiaqarnermik aqqissuussinerup ilagissammagit katissimasatut aapparisp qitornallu pinngitsooratik soraarnerussutisiaqarnissaat. Taamaammat tamanna pissutiginerullugu ilaasortap ataatsip utoqqalinissamut qularnaarutaasumik inummut naleqqunnerpaamik soraarnerussutisiaqarnermik aqqissuussineq nammineerluni toqqarsinnaasariaqarpaa. Nunatsinnili soraarnerussutisiaqartisi viup ataatsip arlallilluunniit suleqatiginerisigut Inatsisartut Naalackersuisulluunniit soraarnerussutisianik aqqissuussinernik pilersitsinermi killiliussatut atugassanngortissimasaasa iluanni toqqaaneq pisaanarallassaaq.

§ 17, imm. 2, oqaaseqatigiit siulliit nutaamik oqaasertaliivigineqarneranni erseqqissumik taaneqarput soraarnerussutisiat naafferartumik tunniussassat aammalu inuuneq naallugu soraarnerussutisiat soraarnerussutisianik ingerlaavartumik tunniussinikkut utoqqalinissamut qularnaarinninnissamut periarfissaasut naleqquttut marluk. Taamaalilluni "ingerlaavartumik tunniussinertalimmik nammineerluni soraarnerussutisianik aqqissuussineq"-mik manna tikillugu oqaasertaliineq taarserneqassaaq. Taaguutitaava imarisamigut sunniuteqartussatut ilimananngilaq, inatsisiliornermili allami aamma taaneqartutut soraarnerussutisiatut tamanut atuuttumik tunisassianut atuuttunut taaguusiinerup assigalugu, assersuutigalugu akileraartarnermut maleruagassani. Tamanut atuuttumik soraarnerussutisiatut tunisassiat, ilassutitut tunniussassanik ilaqarsimagaluarunilluunniit, suliffeqarnermi soraarnerussutisiatut aqqissuussanut namminersortunut, soorlu aapparisp soraarnerussutisiaanut, qitornat soraarnerussutisiaannut, innarluutillit soraarnerussutisiaannut, ulorianartorsiorfusumik napparsimanermit sillimmasiummut inuilluunniit ataatsimoorlutik sillimmasiinerinut nalinginnaasutut ittunut oqaasertaliinertut toqqakkakkut aammattaaq erseqqissisinneqarpoq soraarnerussutisiatut toqqarneqarsinnaasut.

§ 17, imm. 2, oqaaseqatigiit aappaanni, tunniussinissamik periarfissaq Inatsisartunut Naalackersuisunullu ilaasortanut soraarnerussutisialittut ukioqalersimasut taamaalingajalersulluunniit eqqarsaatigalugit, siunnersuutigineqarpoq. Inatsisartunut ilaasortatut Naalackersuisu-nulluunniit ilaasortatut naalackersuinikkut atuuffik ukiut qummut killiliiviginagit isumagineqarsinnaavoq. Taamaalilluni atuuffiit taakku sulinermik inuussutissarsiutilinni pissutsinit, soraarnerussutisiaqarnermik tunisassiat nalinginnaasumik pingaarnertut siunniussaannit, allaanerussuteqarput. Soraarnerussutisiaqarnikkut ingerlatsiviit tunisassiaat inatsiseqarnikkut soraarnerussutisiallu teknikikkut aqqiivigineqarneri pissutigalugit inummut ukiutigut qummut killigititaq ima imalu ittoq tikillugu sillimaserneqarsinnaapput. Inuit soraarnerussutisiatut ukiullit taamaalingajalersulluunniit eqqarsaatigalugit soraarnerussutisiatut aqqissuussamik pilersitsinissaat ajornakusoorluniluunniit ajornarsinnaavoq, soraarnerussutisiaqartitsiviimmi namminersortut periutsit atuuttut malillugit, sillimmasertikkumasooq 60-inik ukioqalersimappat, inuuneq naallugu

soraarnerussutisianik nutaanik 55-inillu ukioqalersimappat, naafferartumik tunniuttakkanik soraarnerussutisianik nutaanik sillimasiiumanek ajormata.

Tamanna tunngavigalugu Inatsisartunut Naalackersuisunulluunniit ilaasortaq 50-inik ukioqalersimappat aningaasarsianut ilanngullugu soraarnerussutisianut akiliut 10% isertititatu nali-nginnaasumik akileraarusigassatut tunniunneqarsinnaasoq § 17, imm. 2, oqaaseqatigiit aappaata pisinnaatippaa. Pisunissaaq taakkunani aningaasarsianit soraarnerussutisiassanut nammineerluni akiligassaq 5% ilaatinneqanngilaq. Inuup soraarninngornissaminut piareersarne-rata sapinngisamik eqaannerpaamik aaqqinneqarnissaa tunniussinissamat periarfissap taamatut ukiulinnut qulakkeertissavaa, aningaasammi pineqartut ass. soraarnerussutisianik aaqqissuussiisernut pioreersunut Kalaallit Nunaata avataaniittunut akilikkatut ikineqarsinnaammata, naqisimaneqaraniluunniit katersatut atorineqarsinnaallutik imaluunniit akiligassatut atuutereersunut akilersuutaasinnaallutik.

Inuup atuuffimmut ulloq ivertinneqarfia 50-inik ukioqalernerumut killigitinneqassaaq. Qinersinerup inaarutaasumik akuersissutigineqarnerata qanoq ilineratigut pinersoq apeqqutaatinnagu Inatsisartunut ilaasortanut tamanna tassa ulloq qinersivik nammineq. Naalackersuisunut ilaasortat ullormi Inatsisartunit qinigaanermikkut atuuffimminnut ivertinneqassapput.

Inatsisip atuutilerfissaa sioqqullugu Inatsisartunut Naalackersuisunullu ilaasortat atuuffimminnut ivertinneqartut pillugit atuutilerfimmut tunngatillugu aalajangersagaq § 2-mi piffissamat ikaarsaarfiusumut aalajangersagartaqarpoq.

Nr. 6-imut.

Inatsisartunut ilaasortat sinniisussatulluunniit Inatsisartuni ivertinneqaralarunik soraarnerussutisianut akiliutinik piginnaatinneqartut aalajangersakkap qulakkiissavaa. Inatsisartunut ilaasortat sinnerinut sanilliullugit taakku utoqqalinerminni qularnaarunneqarnissaminnut periarfissaqarsimanngillat, taamatullu assigiinngisitsisoqarnera sulianik tunngaveqartinneqanngitsutut ippoq, tak. Inatsisissatut siunnersuummut nalinginnaasumik nassuiaatit.

Ajornaannerusussaq pissutigalugu aningaasarsiat 10%-ii soraarnerussutisiassanut akiliutitut tunniunneqartassasut siunnersuutigineqarpoq. Taamaammat aningaasat utoqqalinissamat qularnaarutinut qanoq ilaatinneqassasut ilaasortap, sinniisussatut atuussimanerata siviussuserisimasaa apeqqutaatinnagu, nammineerluni aalajangigassaraa.

Inatsisartut inatsisaat ulloq 1. april 2006, aammalu Inatsisartunut Naalackersuisunulluunniit ilaasortanut nutaanut atuuffimminnut ivertinneqartunut, atuutilissasoq siunnersuutigineqarpoq. Taanna tikillugu soraarnerussutianik aaqqissuussinerit atuutereersut allannguuteqaratik ingerlannassapput.

Tamatuma saniatigut Inatsisartunut Naalackersuisunullu ilaasortanut, inatsisip atuutilerfissaa sioqqullugu atuuffimminnut ivertitaasunut tunngatillugu piffissami

ikaarsaarfiusumi aalaja-ngersakkamik aalajangangersagaq imaqarpoq. Taakku § 17, imm. 2-mi tunniussinissamut periarfissatut taaneqartoq, ulloq 1. januar 2004 sioqqullugu kingornagulluunniit 50-inik ukioqalersimagunik, toqqarsinnaavaat. Ulloq taanna maanna aningaasarsiaqartitaanermut inatsisip ullormut atuutilerfianut, sillimmasertinnissamut naammattumik periarfissaqannginneq il.il. pissutigalugit soraarnerussutisianut akiliutiniq sipaakkatut taamanernit inissineqarsimasunik tunniussisinaanermut naapertuuppoq.

Sinniisussanulli Inatsisartuni ivertinneqartunut tunngatillugu Inatsisip atuutilersinneqarnerani § 17, imm. 4, naapertorlugu soraarnerussutisianut akiliut aatsaat atuutilersinneqassaaq, siunertamummi taassumunnga siusinnerusukkut aningaasaliisoqarsimangimmat.